

Skatterådimit najoqqutassiaq

Pillugu: Ilinniagaqarnermi tapiissutit aamma ilinniagaqarnermut atatillugu akiitsut isumakkeerfigineqartarnerat.

Ilinniagaqarnermi tapiissutit, Kalaallit Nunaanni inuutissarsiutitigut ilinniartitaaneq, ilinniagaqartunut tapiissutit, inuutissarsiutinullu tunngasunik ilitsersuisarneq pillugit Inatsisartut peqqussutaat nr. 2, 16. november 1984-imeersoq naapertorlugu tunniunneqartartut akileraarutitigut ima suliarineqassapput:

Ilinniagaqarnermi nammineq aqutassatut tunniunneqartartut, maanna qaammammut kr. 3.750- iusut, aningaasarsiaapput B-t tamakkiisumik akileraaruteqaataasussat.

Ilinniagaqarnermi nammineq aqutassaangitsut maannalu nerisaqarneq ineqarnerlu akilereerlugit, qaammammut kr. 1.400-iusut akileraaruteqaataasussaapput nammineq aqutassatut annertutigisumik, maanna katillugit qaammammut kr. 3.750-iusut, taamalu ilinniagaqarnermi tunniunneqartartut nammineq aqutassaappata namminerluunniit aqutassaangippata akileraarutitigut assigiimmik isigineqarput.

Naliginnaasumik ilinniagaqarnermi saniatigut immikkut tapiissutit akileraaruteqaataasussaangillat, takuuk akileraartarnermut inatsimmi § 24, litra 11.

Meeqqanut tapiissutit immikkut ittut naliginnaasumik tapiissutit annertutigisut meeqqanut akileraaruteqaataasussapput.

Namminersornerullutik Oqartussat qularnaveeqqusigaannik taarsigassarsiat aammalu Namminersornerullutik Oqartussanit taarsigassarsiat akileraaruteqaataasussaangillat.

Ilinniagaqarnermut atatillugu akiitsut isukkeerfigineqartarnerat pillugu Inatsisartut inatsisaat nr. 15, 23. november 1989-imeersoq naapertorlugu 1. januar 1990-imiit isumakkeerfiginissutit akileraarutitigut ima suliarineqassapput:

Tapiissutit ernianit akiligassanngorsimasunit ilanngaatigineqassapput, taamaalilluni erniat taarsigassarsisup akiligassai kisimik ilanngaatigineqarsinnaassallutik.

Tapiissutit ernianit akiligassanngorsimasunit anneruppata, ilinniagaqarnermut atatillugu akiitsut erniaat ilanngaatigineqarsinnaangillat. Akileraartarnermut inatsimmi § 24, litra 11 naapertorlugu tapiissutit sinneruttut akileraaruteqaataasussaangillat.

Ilinniagaqarnermut atatillugu akiitsunik isumakkeerfiginissutit aammattaq akileraaruteqaataasussaangillat, isumakkeerfigineqartup akiitsunik isumakkeerfigineqarnini annertuumik pigisaqaatigilissanngippagu.

Ilinniagaqarnermut atatillugu akiitsunik isumakkeerfiginissutigineqartarnerannut malerua-gassanut allannguut pineqartoq, ukioq aningaasarsiorfik 1990 aallarnerfigalugu atuutilissaaq.

Nalunaarut manna 1990 aallarnerfigalugu atuutilissaaq Akileraartarnermi Pisortaqarfimmit nalunaarut nr. 212, 15. december 1986-imeersoq taarserlugu.